

M124: Komputistische Notiz

0,1 wil dû wizzen . wie vile sîe underzwischen . wîhennahten
0,2 unde vasten . sô nim dise zale an deme êrsten jâre . sint
0,3 niun wochen . an deme andern jâre siben wochen an deme
0,4 dritten zehene . an deme vierden jâre niun wochen . an deme
0,5 vünften sehse . an deme sehsten niune an deme sibenden
0,6 ahtouwe an deme ahtoden jâre einlive . an deme niunden jâre
0,7 niun wochen an deme zehenden jâre siben wochen . an deme
0,8 einliften jâre zehen wochen . an deme zweliften jâre ahte
0,9 wochen . an deme drîzehenden jâre sibene . an deme vierzehenden
0,10 jâre zehen wochen . an deme vünvzehenden jâre
0,11 ahtouwe . an deme sechzehenden jâre sibene . an deme sibenzehenden
0,12 jâre niun wochen . an deme ahtzehenden jâre ahte
0,13 wochen . an deme niunzehenden jâre ahte wochen . an deme
0,14 niunzehenden jâre einliv wochen . behaltest dû die zale . der
0,15 niunzehen jâre sô verirrest dû niemer ze wâre .